

立法會 福利事務委員會  
「處理家庭暴力及性暴力的策略和措施」小組委員  
2015年6月9日會議  
「檢討援助性小眾家庭暴力及性暴力受害者的政策與改善措施」

咁多位大家好，我叫做八爪。我係一位男同志，亦曾經係一位同志家暴既受害者。

記得我中三既時候向父母出櫃，由果晚開始我既生活就改變左。  
父母當時既反應非常之激動，父母不斷問我：「你係唔係有病呀？」  
「要唔要帶你去睇心理醫生呀？」「係唔係你 d 朋友教壞你呀？」  
當晚父親亦擰咗我兩巴掌。

由果晚開始，我的生活便開始改變。佢地開始限制我既交友活動，同埋控制我既生活。門禁、經濟封鎖、check 我手機訊息等等。如果有 d 蛛絲馬跡讓佢地懷疑，就會質問我；佢地情緒激動 d 既話，會動手、最嚴重既一次，試過用膠橈掙傷我。

咁樣既家庭生活，持續咗兩年左右既時間。到最後，我感到冇希望和徬徨無助，決定離家出走。

當時香港彩虹收留咗我，係我最無助、最需要人幫助既時候。彩虹扶咗我一把。彩虹充當咗一個庇護中心。無條件地給予我最大的支持。中心裡的其他求助者亦都有支持我，當時既我，受咗好大既幫助。

今日我來到呢個會議，係希望大家可以正視同志家暴既情況，同時促請設立性小眾友善庇護站。  
我既親身經歷話我知，只有同志組織開設性小眾友善庇護站，先可以真正幫到同志家暴既受害者。

同志受到家暴冇勇氣求助，想離開家暴既環境，主流庇護站又未必收，收咗係裡面又要怕受到其他宿友歧視，更擔心庇護站接觸我的家人。如果家人向庇護站職員承諾不會家暴，接我回家，我就真係唔知點算好。

其實我對現時好多既庇護站都好無信心，我見唔到佢地真正地同志友善，例如佢地到底有冇支持反歧視立法？我見唔到囉！

到最後同志就只可以啞忍暴力。  
所以我認為「以同志為本的性小眾友善庇護站」非常重要。  
多謝！